

民國元年

吳又可溫疫論

上海江東書局印行

溫疫論原序

夫溫疫之為病。非風非寒。非暑非濕。乃天地間別有一種異氣所感。其傳有九。此疫治緊要關節。奈何自古迄今。從未有發明者。仲景雖有傷寒論。然其法始自太陽。或傳陽明。或傳少陽。或三陽竟自傳胃。蓋為外感風寒。而設。故其傳法。與溫疫自是迥別。嗣後論之者。紛紛不止數十家。皆以傷寒為辭。其於溫疫證。而甚略之。是以業醫者所記所誦。連篇累牘。俱係傷寒。及其臨證。悉見溫疫。求其真傷寒。百無一二。不知屠龍之藝。雖成。而無所施。未免指鹿為馬矣。余初按諸家咸謂春夏秋皆是溫病。而傷寒必在冬時。然歷年較之。溫疫四時皆有。及究傷寒。每至嚴冬。雖有頭疼身痛惡寒無汗發熱。總似太陽證。至六七日失治。未嘗傳經。每用發散之劑。一汗而解。間有不藥亦自解者。並未嘗因失汗以致發黃譫語狂亂胎刺等證。此皆感冒膚淺之病。非真傷寒也。傷寒感冒均係風寒。不無輕重之殊。究竟感冒居多。傷寒希少。況溫疫與傷寒感受有霄壤之隔。今鹿馬攸分。益見真傷寒世所絕少。仲景以傷寒為急病。倉卒失治。多致傷生。因立論以濟天下後世。用心可謂仁矣。然傷寒與溫疫均急病也。以病之少者尚諄諄告世。至於溫疫多於傷寒十倍。安忍反置勿論。或謂溫疫之證。仲景原別有方論。歷年既久。兵火湮沒。即傷寒論乃稱散亡之餘。王叔和立方造論。謬稱全書。溫疫之論。未必不由散亡也明矣。崇禎早已疫氣流行。山東浙省南北兩直。患者尤多。至五六月益甚。或至闔門傳染。始發之際。時師誤以傷寒法治之。未嘗見其不殆也。或病家謬聽七日當自愈。不爾十四日必瘳。因而失治。有不及期而死者。或有妄用峻劑。攻補失序而死者。或遇醫家見解不到。心疑胆怯。以急病用緩藥。雖不即受其害。然遷延而致死者。比比皆是。感之輕者尚獲倖倖。感之重者更加失治。枉死不可勝計。嗟乎守古法不合今病。以今病簡古書。原無明論。是以投劑不效。醫者徬徨無措。病者日近危篤。病愈急。藥愈亂。不死於病。乃死於醫。不死於醫。乃死於聖經之遺亡也。吁。千載以來。何生民不幸如此。余雖固陋。靜心窮理。格其所感之氣所入之門。所受之虛。及其傳變之體。平日所用歷驗方法。詳述於左。以俟高明者正之。

崇禎壬午年仲秋月姑蘇洞庭吳有性書於淡淡齋

溫疫論補註上卷目錄

原病

表裏分傳

統論疫有九傳治法

注意逐邪勿拘結糞

自汗

呃逆

小便

虛煩似狂

下後間服緩劑

下後反嘔

病愈結存

妄投補劑

人參宜忌有前利後害之不同

脈厥

因證數攻

辨明傷寒時疫

熱邪散漫

內壅不汗

發斑戰汗合論

盜汗

畜血

藥煩

神虛譫語

下後身反熱

下後脈浮

奪液無汗

妄投破氣藥

體厥醫案

消結醫案

溫疫初起

邪在胸膈

邪氣復聚

戰汗

發斑

黃瘧乃府病非經病

停藥

奪氣不語

下後脈反數

下後脈沉

老少異治

妄投寒涼藥

疫解後宜養陰忌投參朮

脈證不應

疊下醫案

溫疫初起治法

傳變不常

急證急攻

狂汗

虻厥

大便秘

補瀉兼施

數下亡陰

下後反痞

下格

前後虛寒

乘除醫案

溫疫論補註下卷目錄

雜氣論

標本

知一

主客交病

舍病治藥

勞復

調理法

疫痢兼證

正名

論氣盛衰

行邪伏邪之別

應下諸證

輕疫誤補每成痼疾

舍病治弊

食復

感冒兼疫

婦人時疫

傷寒正誤

論氣所傷不同

論陰證世間罕有

應補諸證

四損不可正治

論食

自復

瘡疾兼疫

妊娠時疫

諸家溫疫正誤

似表非表似裏非裏論

論陽證似陰

肢體浮腫

服寒劑反熱

論飲

損復

溫瘧

小兒時疫

溫疫論補註卷上

結蘇異有性又可甫著

古欽鄭重光在辛甫補註

襄陵喬國楨世臣甫校梓

○原病

病疫之由昔叔和云凡時行者春時應暖而復太寒夏時應大熱而反大涼秋時應涼而反大熱冬時應寒而反大溫非其時而有其氣是以一歲之中長幼之病多相似者此時行之氣指以為疫余論則不然夫寒熱溫涼為四時之常因風雨陰晴稍為損益假令秋熱必多晴春寒必多雨亦天地之常事未必致疫也傷寒與中暑感天地之常氣疫者感天地之厲氣在歲運有多少在方隅有輕重在四時有盛衰此氣之來無老少強弱觸之者即病邪自口鼻而入則其所客內不在藏府外不在經絡舍於伏膺之內去表不遠附近於胃乃表裡之分界是為半表半裡即內經推論所謂橫連募原者也胃為十二經之海十二經皆都會於胃故胃氣能敷布于十二經之中而營養百骸毫髮之間彌所不貫凡邪在經為表在胃為裏今邪在募原者正當經胃交關之所故為半表半裡其熱淫之氣浮越于某經即能現某經之證如浮越于太陽即有頭項痛腰脊強如浮越于陽明即有目痛鼻乾不眠如浮越於少陽即有脇痛耳聾寒熱嘔而口苦大柴胡湯太陽居多陽明次之少陽又其次也邪之着人有自天受之有傳染受之所感雖殊其病則一凡人口鼻之氣通乎天氣本氣充實邪不能入經云邪之所湊其氣必虛因本氣虧虛呼吸之間外邪因而來之昔有三人冒霧早行空腹者死飲酒者病飽食者不病疫邪所着又何異耶若其年疫氣充斥不論強弱正氣稍衰者觸之即病則又不拘於此矣其感之深者中而即發感之淺者邪不勝正未能頓發或因饑飽勞傷憂思氣怒正氣受傷邪氣始張營衛運行之機乃為邪之所阻吾身之陽氣為邪所遏故為病熱矣其始也格陽于內不及于表故先凜凜惡寒甚則四肢厥逆陽氣漸積鬱極而通則厥回而中外皆熱至是但熱而不惡寒者因其陽氣之通此際應有汗或反無汗者存乎邪結之輕重也即汗乃肌表之汗若外感在表之邪一汗而解今邪在半表半裡表雖有汗徒損真氣邪氣深伏何能即解以後其伏邪漸潰表氣潛行於內乃作大戰精氣自內由募中以達表振戰止而復熱此時表裏相通故大汗淋漓衣被濕透邪從汗解此名戰汗當即脈靜身涼神清氣爽霍然而愈亦有

自汗而解者。但出表為順。即不藥亦自愈也。伏邪未潰。所有之汗止得。衛氣暫通。熱亦暫減。逾時復熱。午後潮熱者。至是鬱其陽氣。與時消息也。自後加熱而不惡寒者。陽氣之積也。其惡寒或微或甚者。因其人陽氣之盛衰也。其發熱或久或不久。或晝夜純熱。或黎明稍減者。因其感邪之輕重也。疫邪與瘧彷彿。但瘧不內傳。惟疫乃傳胃。始則皆凜凜惡寒。既而發熱。又非若傷寒發熱而兼惡寒也。至于伏邪發作。方有變證。其述或從外解。或從內陷。從外解者。順從內陷者。逆更有表裡先後不同。有先表而後裡者。有先裡而後表者。有但表而不裡者。有但裡而不表者。有表裡偏勝者。有表裡分傳者。有表而再表者。有裡而再裡者。從外解者。或發斑。或戰汗。狂汗。自汗。盜汗。從內陷者。胸膈痞悶。心下脹滿。或腹中痛。或燥結便秘。或熱結腸流。或協熱下利。或嘔吐惡心。譏語唇焦。舌黑苔刺等證。因證而知變。因變而知治。此言其大略。詳見脈證治法諸條。

○辨明傷寒時疫

或曰。予言傷寒與時疫。有霄壤之隔。今用三承氣。桃仁承氣。抵當。茵陳。諸湯。皆傷寒方也。既用其方。必同其證。予何言之異也。曰。夫傷寒必有感冒之因。或衣單風露。或冒雨入水。或臨風脫衣。或當檐洗浴。隨覺肌膚寒慄。既而四肢拘急。惡風惡寒。然後頭疼身痛。發熱惡寒。脈浮而數。脈緊無汗。為傷寒。脈緩有汗。為傷風。時疫初起。原無感冒之因。勿覺凜凜。以後但熱而不惡寒。然亦有因所觸而發者。或飢飽勞碌。或焦思氣鬱。皆能觸動其邪。是促其發也。不因所觸而發者。居多。促而發者。十中之一二耳。傷寒投劑。可一汗而解。時疫發散。雖汗不解。傷寒不傳染于人。時疫能傳染於人。傷寒之邪自毫竅而入。時疫之邪自口鼻而入。傷寒感而即發。時疫感久而後發。傷寒汗解在前。時疫汗解在後。傷寒投劑。可使立汗。時疫汗解。俟其內潰。汗出自然。不可以期。傷寒解以發汗。時疫解以戰汗。傷寒發斑。則病篤。時疫發斑。為外解。傷寒邪感在經。以經傳經。時疫以邪在內。內溢於經。經不自傳。傷寒感發甚暴。時疫多有淹纏。二三日或漸加重。或淹纏五六日。忽然加重。傷寒初起。以發表為先。時疫初起。以疎利為主。種種不同。其所同者。傷寒時疫。皆能傳胃。至是同歸于一。故用承氣湯。輩導邪而出。要知傷寒時疫。始異而終同也。夫傷寒之邪自肌表一還。傳裡如浮雲之過太虛。原無根蒂。惟其傳法。始終有進而無退。故下後皆能脫然。而愈。時疫之邪。始則匿於募原。根深蒂固。發時與營衛交併。客邪經由之營衛。未

有不被其所傷者因其傷故名曰潰然不潰則不能傳不傳邪不能出邪不出而病不瘳然時疫多有未能頓解者何耶蓋疫邪每有表裡分傳者因有一半向外傳則邪留于肌肉一半向內傳則邪留於胃府邪留于胃故裡氣結滯裡氣結表氣因而不通于是肌肉之邪不能即達于肌表下後裏氣一通表氣亦順而鬱于肌肉之邪方能達發於肌表或斑或汗然後脫然而愈傷寒下後無有此法雖曰終同及細較之而終又有不同者矣

或曰傷寒感天地之正氣時疫感天地之戾氣氣既不同俱用承氣何藥之相同也曰風寒疫邪與吾身之真氣勢不兩立一有所着氣壅火積氣也火也邪也三者混合失其本來真面目與之俱化為邪矣但以驅逐為功何論邪之同異也假如初得傷寒為陰邪主閉藏無汗傷風為陽邪主開發多汗始有桂枝麻黃之分原其初感而未化也傳至少陽並用柴胡傳至胃府並用承氣至是亦無風寒之分矣推而廣之是知疫邪傳胃亦同治法

○溫疫初起

溫疫初起先憎寒而後發熱嗣後但熱而不憎寒也初得之二三日其脈不浮不沉而數晝夜發熱日晡益甚頭疼身痛其時邪在伏膺之前腸胃之後雖有頭疼身痛此邪熱浮越於經不可認為傷寒表證輒用麻黃桂枝之類強發其汗此邪不在經汗之徒傷衛氣熱亦不減又不可下此邪不在裏下之徒傷胃氣其渴愈甚宜達原散主之

達原散

檳榔二錢

厚朴一錢

草果仁五分

知母一錢

芍藥一錢

黃芩一錢

甘草五分

右用水二鍾煎八分午後溫服

按檳榔能消能磨除伏邪為疎利之藥又除嶺南瘴氣厚朴破戾氣所結草果辛烈氣雄除伏邪蟠踞三味協力直達其巢穴使邪氣潰散速離募原是以前名為達原散也熱傷津液加知母以滋陰熱傷營血加芍藥以和血黃芩清燥熱之餘甘草為和中之用以後四味乃調和之品如渴與水非拔病之藥也凡疫邪遊

溢諸經。當隨經引用。以助升洩。如脇痛且聾。寒熱嘔而口苦。此邪熱溢於少陽經也。本方加柴胡一錢。○如腰背項痛。此邪熱溢於太陽經也。本方加羌活一錢。○如目痛眉稜骨痛。眼眶痛。鼻乾不眠。此熱邪溢於陽明經也。本方加葛根一錢。但證有遲速輕重不等。藥有多寡緩急之分。務在臨時斟酌。所定分兩大略而已。不可執滯。

○溫疫初起治法

疫邪感受有輕重感之輕者。舌上白苔亦薄。熱亦不甚。而無數脈。其不傳裏者。一二劑自解。稍重者必從汗解。如不能汗。乃邪氣蟠結於募原。內外隔絕。表氣不能通于內。裡氣不能達于外。不可強汗。或者見有加三經發散之藥。便欲求汗。誤用衣被壅遏。或將湯火熨重。甚非正法。然表裡隔絕。此時無遊溢之邪在經。三陽經加法不必用。宜照達原散本方。可也。感之重者。舌上苔如積粉滿而無隙。服湯液不從汗解。而從內陷者。舌根先黃。漸至中央。邪漸入胃。此三消飲證也。若脈長洪而數。大汗多渴。此邪氣適離募原。欲表未表。此白虎湯證。如舌上純黃色。兼有裡證。邪已入胃。此又承氣湯證也。有二三日即潰離募原者。有半月十數日不傳者。有初得之淹淹鼎鼎五六日陡然勢張者。凡元氣勝者。毒易傳化。元氣薄者。邪不易化。即不易傳。設遇他病久虧。適又染疫。能感不能化。安望其傳。不傳則邪不去。邪不去則病不瘳。延纏日久。愈沉愈伏。多致不起。時師誤認怯證。日進參芪。愈壅愈固。不死不休也。

○表裡分傳

溫疫舌上白胎者。邪在募原也。舌根漸黃至中央。乃邪入胃。設有三陽形證。用達原散。三陽加法。因有裡證。復加大黃名三消飲。三消者。消內消外消不內不外也。此治疫之全劑。以毒邪表裡分傳。募原尚有餘結者。宜之。

三消飲

檳榔 厚朴 芍藥 甘草 知母 黃芩 大黃 葛根 羌活 柴胡 薑棗引

補按三陽加法。不必全用。各隨其所見之經而加用之。

○熱邪散漫

溫疫脈長而洪數大渴大汗通身發熱宜白虎湯

白虎湯

石膏 一兩

知母 五錢

甘草 五錢

炒粳米 一撮

加薑煎服

按白虎湯辛涼發散之劑清肅肌表氣分之藥也蓋毒邪已潰中結漸開邪氣分離原尚未出表然內外之氣已通故多汗脈長洪而數白虎辛涼解散服之或戰汗或自汗而解若時疫初起脈雖數未至洪大其時邪氣蟠踞募原宜達原散誤用白虎既無破結之能但求清熱是猶揚湯止沸也若邪已入胃非承氣不愈誤用既無逐邪之能徒以肅殺而伐胃氣反抑邪毒致脈不行因而細小又認陽證陰脈妄言不治醫見脈微欲絕益不敢議下惟雜進涼藥以為穩當愈治愈危至死不悔此當急投承氣緩緩下之六脈自復補按脈既微欲絕豈可雜進涼藥必脈沉細有力方可急投承氣否則非下證也

○邪在胸膈

溫疫邪在胸膈滿悶心煩喜嘔欲吐不吐雖吐而不得大吐腹不滿欲飲不能飲欲食不能食此疫邪留於胸膈宜瓜蒂散吐之

瓜蒂散

甜瓜蒂 一錢

赤小豆 二錢

生山梔仁 二錢

右用水二鍾煎一鍾後入赤小豆煎八分先服一半如

不吐再盡服之雖吐猶未解煩滿尚存者再劑煎服如無瓜蒂以淡豆豉一錢代之

○傳變不常

疫邪為病有從戰汗而解者有從自汗盜汗狂汗而解者有無汗竟入胃者有自汗淋漓熱渴反甚終得戰汗而解者有胃氣壅鬱必因下乃得戰汗而解者有因表以汗解裡有餘邪不因他故越三五日前證復發者有發黃因下而愈者有發黃因下而斑出者有竟從發斑而愈者有裡證急雖有斑非下不愈者此雖傳變不常亦疫之常變也有局外之變者男子適逢淫慾或平素下元空虛邪熱乘虛陷於下焦氣道不施以致小便閉塞少腹脹滿至夜即發熱以導赤散五苓散全不得效得大承氣一服小便如注而愈者或素有他病一隅之

虧邪乘風皆所損而傳者如失血崩帶經水適來適斷心痛疝氣痰火喘急凡此皆非常變大抵邪行如水惟注者受之傳變不常皆因人而使蓋因疫而發舊病治法無論某經某病但治其疫而舊病自愈

○統論疫有九傳治法

夫疫之傳有九然亦不出乎表裡之間而已矣所謂九傳者病人各得其一非謂一病而有九傳也蓋溫疫之氣邪自口鼻而感入於募原伏而未發不知不覺已發之後漸加發熱脈洪而數此眾所同宜達原散疎之繼而邪氣一離募原察其傳變取人多有不同者以其表裡各異耳有但表而不裡者有但裡而不表者有表而再表者有裡而再裡者有表裡分傳者有表裡分傳而再分傳者有表勝于裡者有裡勝於表者有先表而後裡者有先裡而後表者凡此九傳其病則一醫者不知九傳之法不知邪之所在如盲者之不任杖瞽者之聽宮商無音可求無路可適未免當汗不汗當下不下或顛倒誤用或尋枝摘葉但治其證不治其邪同歸于誤一也

所言但表而不裡者其證頭痛身疼發熱而復凜凜惡寒內無胸滿腹脹等證穀食不絕不煩不渴此邪外傳由肌表而出或自斑消或從汗解斑則有斑疹桃花斑紫雲斑汗則有自汗盜汗狂汗戰汗之異此病氣使然不必較論但求得汗得斑為愈凡自外傳者為順勿藥亦能自愈間有汗出不微而熱不退者宜白虎湯斑出不透而熱不退者宜舉斑湯有斑汗並行而愈者若斑出不透汗不微而熱不除者宜白虎合舉斑湯

間有表而再表者所發未盡募原仍有隱伏之邪或二三日後或四五日又依然如前發熱脈洪而數及其解也斑者仍從斑解汗者仍從汗愈未愈者仍如前法治之然亦希有至于三表者更希有也

若但裡而不表者外無頭疼身痛繼而亦無三斑四汗惟胸膈痞悶欲吐不吐雖得少吐而不快此邪傳裏之上宜瓜蒂散吐之邪從吐減邪盡病已若邪傳裡之中下者心脹腹滿不嘔不吐或大便秘或熱結傍流或協熱下利或大腸膠閉並宜承氣輩導去其邪邪去病減邪盡病已土中下皆病者不可吐吐之為逆但宜承氣道之則在上之邪順流而下嘔吐立止脹滿漸除矣

有裏而再裏者愈後二三日或四五日依前之證復發在上者仍吐之在下者仍下之再裡者乃常事甚有三

裡者。然亦希有也。雖有上中下之分。皆為裡證。

若表裡分傳者。始則邪氣伏於募原。募原者。即半表半裡也。此傳法以邪氣平分。半入于裡。則現裏證。半出於表。則現表證。此疫病之常事。然表裡俱病。內外壅閉。既不得汗而復不得下。此不可汗。強求其汗。必不得汗。宜承氣湯先通其裡。裡邪先去。邪去則裡氣通。中氣方能達表。向者鬱於肌肉之邪。乘熱盡於肌表矣。或斑或吐。蓋隨其性而升泄之也。諸證悉去。既無表裡證。而熱不退者。募原尚有已發之邪未盡也。宜三消飲調之。

若表裡分傳。而再分傳者。照前表裡俱病。宜三消飲復下。復汗如前而愈。此亦常事。至於三發者。亦希有也。若表勝于裡者。募原伏邪發時。傳表之邪多。傳裡之邪少。何以治之。表證多而裡證少。當治其表。裡證兼之。若裡證多而表證少者。但治其裡。表證自愈。

若先表而後裡者。始則但有表證。而無裡證。宜達原散。有經證者。當用三陽加法。經證不顯。但發熱者。不用加法。繼而脈洪大兼數。自汗而渴。邪離募原。未能出表耳。宜白虎湯平涼解散。邪從汗解。脈靜身涼而愈。愈後二三日或四五日。依前發熱。宜達原飲。至後反加胸滿腹脹。不思穀食。煩渴舌上胎刺等證。加大黃微利之。久而不去。在上者宜灰蒂散吐之。如在下者宜承氣湯瀉之。

若先裡而後表者。始則發熱漸加裏證。下之裏證除。二三日內復發熱。反加頭痛身疼。脈浮者。宜白虎湯。若下後熱減不甚。三四日後精神不慧。脈浮者。宜白虎湯。汗之。服湯後不得汗者。因津液枯竭也。加人參覆臥則汗解。此近表裡分傳之證。不在此列。

若大下後。大汗後。表裡之證悉去。繼而一身盡痛。身如被杖。甚則不可反側。周身骨寒而痛。非表證也。經氣漸回。身痛自愈。詳在似表非表條

凡疫邪再表再裏。或再表裡分傳者。醫家不解。反咎病家不善調理。以致反復。病家不解。毋責醫家用藥有誤。致病復起。彼此歸咎。殊不知病勢之所當然。絕非醫家病家之過。但得病者精神完固。雖再三反復。可以隨復隨治而愈。惟虛怯者不宜也。間有延捱失治。或治之不得其法。日久不除。精神耗竭。嗣後更醫投藥。固當現在之邪拔因。而得效殊不知募原尚有伏邪。一二日內前證復起。反加循衣摸床。神思昏憤。目中不了了等證。大

凶之兆也。病家不登前醫之擔誤時日。反咎後醫生之投藥殺之。良可嘆也。當此之際。攻之則元氣幾微。是令其速死。補之則邪火益熾。精氣枯竭。守之則正不勝邪。必無生理矣。

○內壅不汗

疫邪發於半表半裡。一定之法也。至于傳變。或出表或入裏。或表裡分傳。醫見有表復有裡。乃引經論。先解其表。乃攻其裡。此大謬也。嘗見以大劑麻黃連進。無汗轉加煩躁者。何耶。蓋發汗之理。自內以達表。令裏氣壅滯。陽氣不能敷布於外。即四肢未免厥逆。又安能氣液蒸蒸以達表。譬如縛足之鳥。乃欲飛升。其可得乎。蓋為之將飛。其身必伏。先縱足而後揚翅。方得升舉。此與戰汗之義同。又如水注。閉其後竅。涓滴不通。與發汗之義同。凡見表裡分傳之證。務宜承氣湯先通其裡。裡氣一通。不待發散。多有自能得汗而解者。補須表裡兼見。而裏證尤急者。先通其裏。與陽寒下利清穀。急當救裡同法。

○邪氣復聚

裏證下後。脈不浮。煩渴減。身熱退。越四五日復發熱者。此非開飲食勞復。乃募原尚有餘邪隱匿。因而復發。此必然之理。不知者。每每歸咎於病人。誤矣。宜再下之。即愈。但當心與慎。勿過劑。以邪氣微也。

○急證急攻

溫疫發熱一二日。舌上白胎如積粉。早服達原飲一劑。午前舌變黃色。隨現胸膈滿痛。大渴煩躁。此伏邪即潰。邪毒傳胃也。達原飲加大黃下之。煩渴少減。熱去六七。午後復加煩躁發熱。通舌變黑生刺。鼻如烟煤。此邪毒最重。復瘀到胃。急服大承氣湯。傍晚大下。至夜半熱退。次早鼻黑胎刺如失。此一日之間。而有二變。數日之法。一日行之。因其毒甚。傳變亦速。用藥不得不猛。設此證不服藥。或投以緩劑。羈遲二三日必死。設不死。服藥亦無及矣。常見溫疫二三日即斃者。乃此類也。

○注意達邪勿拘結糞

溫疫可下者。約三十餘證。不必悉具。但見舌心黃。腹痞滿硬。於達原欲加大黃下之。設邪在募原者。已有行動之機。欲離未離之際。得大黃促之而下。實為開門祛賊之法。即使未愈。邪亦不能久羈。二三日後。餘邪入胃。仍

用小承氣微具餘毒大凡客邪貴乎早治乘人氣血未亂肌肉未消津液未耗病人不至危殆投劑不至掣肘愈後亦易平復欲為萬全之策者不過知邪之所在早拔去病根為要耳但要諒人之虛實度邪之輕重察病之緩急揣邪氣離募原之多寡然後藥不空投藥無太過不及之弊是以仲景自大柴胡以下立三承氣湯分多與少與必有輕重之殊勿拘於下不厭遲之說應下之證見下無結糞以為下之早或以為不應下而誤投下藥殊不知承氣本為逐邪而非專為結糞設也如必俟其糞結血液為熱所搏變證迭起是猶釀病貽害醫之過也況多有溇糞失下但蒸作極臭如敗醬如藕泥臨死不結者但得穢惡一去邪毒從此而消證脈從此而退宜徒孜孜糞結而後行哉假如經枯血燥之大或老人血液衰少多生燥結或病後血氣未復亦多燥結在經所謂不更衣十日無所苦有何妨害是知燥結不致損人邪毒能為殞命也要知因邪熱致燥結非燥結而致邪熱也但有病久失下燥結為之壅閉瘀邪鬱熱益難得泄結糞一行氣通而邪熱乃去此又前後之不同總之邪為本熱為標結糞又其標也能早去其邪安患燥結乎

或問脈證相同其糞有結有不結者何也曰原其人病至大便當即不行續得蘊熱益難得出蒸作為結也一者其人平素大便秘不寔雖胃家熱甚但蒸作極人狀如粘膠至死不結應下之證設引經論初鞭後必溲不可攻之句誠為千古之弊

假令滯下本無結糞裡急後重下利窘迫者宜芍藥湯加大黃此豈亦因結糞而然耶乃為逐邪設也或曰得毋為積滯而設歟余曰非也邪氣客于下焦氣血壅滯泣而為積者去積以為治已成之積方去未成之積復生須用大黃逐去其邪是以斷其生積之本營衛氣通其積不治而愈矣此為初起濕熱者論也更有虛邪又非此論並同溢

大承氣湯

大黃五錢

厚朴一錢

枳實一錢

芒硝三錢

水薑煎服

弱人減半邪微者各復減半

小承氣湯

大黃 五錢 厚朴 一錢 枳實 一錢 水薑煎服

調胃承氣湯

大黃 五錢 芒硝 二錢半 甘草 一錢 水薑煎服

按三承氣湯功用彷彿。熱邪傳裏。但上焦痞滿者。宜小承氣湯。中有堅結者。加芒硝軟堅而潤熱。病久失下。雖有結。莫然多粘膩。得芒硝則大黃有蕩滌之能。設無痞滿。惟存宿結。而有瘀熱者。調胃承氣湯宜之。三承氣攻效皆在大黃。餘皆治標之品。不耐湯藥者。或嘔或噦。當為細末。蜜丸湯下。如人方肉食。而病適來。以致停積在胃。用大小承氣連下。惟是臭水稀糞而已。於承氣湯中。但加人參一味服之。雖三四十日所停之完穀及完肉。於是方下。蓋承氣借人參之力。鼓舞胃氣。宿物始動也。

○發斑戰汗合論

凡疫邪留於氣分。解以戰汗。留於血分。解以發斑。氣屬陽而輕清。血屬陰而重濁。是以邪在氣分。則易疎透。邪在血分。恒多膠滯。故陽主速而陰主遲。所以從戰汗解者。可使頓解。從發斑者。當圖漸愈。

○戰汗

疫邪先傳表。後傳裏。忽得戰汗。經氣輪洩。當即脈靜身涼。煩渴頓除。三五日陽氣漸積。不待飲食勞碌。或有反復者。蓋表邪已解。裡邪未去。緣覺發熱下之即解。疫邪表裡分傳。裡氣壅閉。非汗下不可。汗下之未盡。日後復熱。當復下。復汗。溫疫下後。煩渴減。腹滿去。或思飲食。而知味。裡氣和也。身熱未除。脈近浮。此邪氣怫鬱於經表。未解也。當得汗解。如未得汗。以柴胡清燥湯和之。復不得汗者。從漸解也。不可苛求其汗。應下失下。氣消血耗。既下欲作戰汗。但戰而不汗者。危。以中氣虧微。但能降陷。不能升發也。次日當期復戰。戰回汗出者。生。厥不回汗不出者。死。以正氣脫。不勝其邪也。戰而厥回。無汗者。真陽尚在。表氣枯涸也。可使漸愈。凡戰而不復。愈瘥者。必死。瘥者身如尸。牙關緊。目上視。凡戰不可擾動。但可溫覆。擾動則戰必中止。次日當期復戰。戰汗後復下。下後越二三日。反腹痛不止者。欲作滯下也。無論已見積未見積。宜芍藥湯。

柴胡清燥湯

柴胡 黃芩 陳皮 甘草 花粉 知母 薑棗引水煎服

芍藥湯

白芍 一錢 當歸 一錢 檀榔 二錢 厚朴 一錢 甘草 七分 生薑 一片

水煎服。裡急後重加大黃三錢紅積倍芍藥

○狂汗

狂汗者伏邪中潰欲作汗解因其人稟賦充盛陽氣冲擊不能頓開故反然坐卧不安且狂且躁少時大汗淋漓狂躁頓止脈靜身涼霍然而愈

○自汗

自汗者不因發散自然汗出也伏邪中潰氣通得汗邪欲去也若脈長洪而數身熱大渴宜白虎湯得戰汗方解若裡證下後續得自汗雖二三日不止甚則四五日不止身微熱甚則汗甚熱微汗亦微此屬寔乃表有留邪也邪盡汗止汗不止者宜柴胡以佐之表解則汗止設有三陽經證當用三陽隨經加減法與協熱下利投承氣同義表裡雖殊其理則一若誤認為表虛自汗輒用黃芪寔表及止汗之劑則誤矣有裡證時當感暑多作自汗宜下之白虎證自汗詳見前條若面無神色唇口刮白表裡無陽證喜熱飲稍冷則畏脈微欲絕忽得自汗淡而無味者為虛脫夜發則晝死晝發則夜亡急當峻補補之不及者死大病愈後數日每飲食及驚動即出汗此表裡虛怯宜人參養營湯倍加黃芪

人參養營湯

人參 麥冬 五味子 地黃 當歸 白芍 知母 陳皮 甘草 白水煎服

補按表裡無陽證喜熱畏冷脈微欲絕汗出不鹹此亡陽也但云峻補不及方法未免闕略宗仲景法宜附子湯若誤汗亡陽准誤用大青龍湯法以真武湯救逆也

附附子湯

附子 白朮 茯苓 芍藥 人參 臣

○盜汗

裏證下後。續得盜汗者。表有微邪也。若邪甚。有自汗。若伏邪中瀆。則作戰汗矣。凡人目張。則衛氣行于陽。目瞑。則衛氣行于陰。行陽則升發。行陰則斂降。於內。今內有伏熱。而又遇衛氣兩陽相搏。熱蒸于外。則腠理開。而盜汗出矣。若內伏之邪一盡。則盜汗自止。設不止者。宜柴胡湯以佐之時。疫愈後。脈靜身涼。數日後反得盜汗。自汗者。此屬表虛。宜黃芪湯。

小柴胡湯

柴胡 三錢

黃芩 一錢

陳皮 一錢

甘草 一錢

生薑 一錢

大棗 二枚

古方用人參半夏。今表裡寔。故不用人參。無嘔吐。不加半夏。

黃芪湯

黃芪 三錢

五味子 一錢

當歸 一錢

白朮 一錢

甘草 五分

照常煎服

如汗未止。加麻黃淨根錢半。無有不止者。然屬寔常多屬虛常少。邪氣盛為寔。正氣奪為虛。寔虛之分。在乎有熱無熱。有熱為寔。無熱為虛。若顛倒誤用。未免寔寔虛虛之禍。臨證慎諸。

○發斑

邪留血分。裡氣壅閉。則伏邪不得外透。而為斑。若下之內壅一通。則衛氣亦從而疎暢。或出表為斑。則毒邪亦從而外解矣。若下後斑漸出。不可更下。設有下證。少與承氣湯緩下之。若復大下。中氣不振。斑毒內陷。則危。宜托裏舉斑湯。

托裏舉斑湯

赤芍藥

當歸 各一錢

升麻 五分

白芷

柴胡 各七分

川山甲 二錢

黃芪

水薑煎服。下後斑漸出。復大下。斑毒復隱。反加循衣摸床。撮空理線。脈漸微者。危。本方加人參一錢。補不及者。若未下而發斑者。設有下證。少與承氣湯從緩下法。補按溫疫發斑寒熱虛寔皆有之。重者二三日便見。輕者五六日方出。淡紅稀少者吉。稠密紫赤者凶。必察

元氣虛寒。脈之有力無力欲出未出。葛根升麻湯。斑已出。不宜再發。煩渴熱甚。脈洪數者。白虎湯。脈虛者。加人參。○斑色赤紫。狂言咽痛者。犀角玄參湯。熱甚。心煩。黃連解毒合白虎湯。○譫語便秘。舌焦煩渴。大柴胡湯。加芒硝微利之。○又因元氣素虛。先有慾事。適感溫疫。涼劑過甚。寒伏于下。逼其無根。失守之火。薰灼肺胃。而發陰斑。脈或散大。或沉細。其色淡紅。惟手足多而胸背少。頭面皆無。當倣傷寒治法。以附子理中湯得溫補之劑。陽回而陰火自降。此治本不治標也。然而此證根本有傷。惟老成練達者。十救二三而已。本論托裡舉斑湯。但可施于下。而再下元氣不振。斑毒內陷之證。未可通治。斑證因采名家方論。以補不及。

升麻葛根湯

升麻 葛根 芍藥 甘草

犀角玄參湯

犀角 玄參 升麻 射干 黃芩 甘草

黃連解毒湯

黃連 黃芩 黃柏 梔子

大柴胡湯

柴胡 黃芩 半夏 芍藥 枳實 大黃 生薑 大棗

附子理中湯

人參 白朮 乾薑 甘草 附子等分

真武湯

附子君 茯苓君 芍藥臣 白朮臣 生薑佐

○蛇厥

疫邪傳裡。胃熱如沸。蛇動不安。下既不通。必反于上。蛇因嘔出。此常事也。但治其胃。蛇厥自愈。每見醫家引經